



Universitätsbibliothek Paderborn

**De Tribvs Dagobertis Francorvm Regibvs Diatriba
Godefridi Henschenii E Societate Iesv**

Henschenius, Godefridus

Antverpiae, 1655

IV Tres gestorum Regis Dagoberti scriptores praecipui, Fredegarius,
Monachus S. Dionysij, & Aimoinus. Eius adolescentia, regnum
Austrasiorum, & coniugium cum Gomadrude.

urn:nbn:de:hbz:466:1-9599

IV

Tres gestorum Regis DAGOBERTI scriptores præcipui, Fredegarius, Monachus S. Dionysij, & Aimoinus. Eius adolescentia, regnum Austrorum & matrimonium cum Gomadrude.

ACturi de DAGOBERTO I, non quæcumque ab eo gesta traduntur recensebimus, sed potius, quod de rebus illi adscriptis ferri iudicium par sit, paucis ostendemus. Ac primò Fredegarius (quem infrà probamus, Chronicon ad caput LXXX, siue ad quartum post obitum DAGOBERTI annum, solum scripsisse) unus est, cuius præcipue stare testimonio possimus, utpote DAGOBERTO coævus, & qui præfatur, se *Acta Regum & bella gerentium*, que legendo simul & audiendo, etiam & videndo, cuncta certificatus cognouit, huius libelli volumine scribere non solum scripsisse, sed curiosissime, quantum potuit, inserere studuisse. Et quiuis hoc Chronicon relegens, facile aduertet ex dictione circa Acta DAGOBERTI magis incultâ, ea primò illius calamo exarata esse; non, ut priora magis nitida, ex aliis auctoribus descripta, aut saltem contracta.

Andreas Chesnæus tomo I Historiæ Francorum, exorditur DAGOBERTI Regis tempora à gestis eiusdem Domini DAGOBERTI, scriptis à monacho S. Dionysij, eumque anonymum quidem, sed contemporaneum appellat. Petrus de Marcâ lib. I historiæ Bearniae cap. 26, § 1 opinatur scripsisse illum sub Chlodoneo II, cum cuius obitu historiam finit. Verum plura sunt, quæ hunc auctorem aliquot seculis iuniorum

rem esse persuadeant. Sufficient h̄ic paucula ex capite XLIII verba: *Vnum*, inquit, *quod in quadam vetustissimā reperi chartā, quam, ut ferebatur, B. Audoēnus scripserat, quodq̄ memorato Regi eius post mortem contigit, breviter narrabo miraculum.* Eiusdem DAGOBERTI Gesta quasi à pluribus scripta citat Aimoinus lib. 4 cap. 17. Cuius DAGOBERTI, inquit, actus licet à nonnullis separatim digesti habeantur, tamen ne eos facta eius lateant, apud quos p̄fata non inuenitur scriptura, ea nos libuit perstringere. Floruit Aimoinus monachus Floriacensis sub annum Christi c̄ 10, suamque historiam inscripsit S. Abboni Abbatii anno c̄ 1044 interempto, cuius & Vitam scripsit, XIII Nouembris à nobis publico dandam. Aimoino quantò antiquior ille S. Dionysij monachus fuerit, incertum est: antiquorem tamen fuisse, ex dictis licet coniectare. Ambo p̄cipuam historiæ suæ auctoritatem mutuantur à Fredegario, à quo pleraque describunt. Reliquiseorum scriptis non tam securam vbique fidem esse adhibendam, infrà constabit.

Inter antiquas & fide dignas historias minimè numeramus *Gesta Regum Francorum* ad Theodericum Regem, DAGOBERTI Iunioris successorem, continuata, atque à Marquardo Frehero, & Andreâ Chesnæo edita, cuius libri auctorem viri eruditij non immerito *anonymum fabulatorum* appellant.

Hæc de auctoribus: ex quibus monachus S. Dionysij cap. 2 scribit, DAGOBERTVM in annis puerilibus à genitore traditum esse Arnulpho Metensium urbis Episcopo, ut eum secundūm suam sapiētiā enutriret, eiq̄ tramitem Christiane religionis ostenderet, custosq; ac bainlus esset. Ac quasi Metis dein Parisios rediisset, addit, adolescentie etatem venationibus exercuisse, ac venerationem amoremque erga SS. Dionysium, Eleutherium ac Rusti-

cum concepisse: quando ipso inseguente ad horum Martyrum ædem fertur ceruus confugisse. Quæ auctor ille, & primus quidem, prolixè narrat, cap. 2, 3, 4; dein cap. 5 obitum Bertetrudis Reginæ matris eius, quam Fredegarius cap. 46 tradit mortuam esse anno Chlotharij XXXVI, Christi 10CIX, ac biennio post DAGOBERTVM super Austrasios Regem institutum, anno XXXVIII regni Chlotharij, Christi 10CXI: quem adhuc adolescentem potius arbitramur tunc primum S. Arnulpho Episcopo Metensi commendatum. Fredegarius cap. 58, *Ab initio, inquit, quo regnare cœperat, consilio primitus beatissimi Arnulfi Metensis urbis Episcopi, & Pippini Maioris. Domus usus, tantâ prosperitate regale regimen in Auster regebat, ut à cunctis gentibus immenso ordine laudem haberet.* Et auctor Vitæ S. Arnulphi coæuus, & in pluribus testis oculatus, ait: *Arnulphum Episcopum Chlotharius tantâ fide & amore dilexit, ut cum prolem suam DAGOBERTVM in Principatus culmine sublimasset, eidem regnum ad gubernandum, & filium ad erudiendum in manum tradiderit. Quem ille acceptum ita altissimâ & profunda erudiuit prudentiâ, ut in se amborum ratione Rex nullus illi similis fuisse narraret.* Hæc illi, quæ nobis magis probantur, maximè quod eum adolescentem Austrasiorum regnum administrasse etiam asserat Harigerus in gestis Episcoporum Tungrenium & Traiectensem cap. 29. Quem Fredegarius initi apud Austrasios regni, appellat annum Chlotharij XXXVIII, sequentē XXXIX tradit monachus S. Dionysij c. 12, eumq; secutus Aimoinus lib. 4 cap. 8, ubi ipsamet reliqua verba Fredegarij usurpant. Verum quia eadem vbique ratione tam in libris editis, quam manu exaratis legitur apud Fredegarium annus Chlotharij XXXVII, eum potius retinendum censemus, cum codex MS. Alexandri Petavij appelletur *vetusissimus*, & codex Iacobi Sirmondi *uncialibus litteris exaratus*.

videa-

videatur extitisse ante ætatem Aimoini & fortè monachi S. Dionysij. Verùm mox sequuntur Fredegarium, & Chrodoaldum iussu DAGOBERTI anno XL tradunt imperfectum.

In hac regni Austrasiorum institutione Chlotharius sibi retinebat, quod Ardenna & Vosagus versus Neuster & Burgundiam excludebant. Accipit auctor Ardennam, vt eam Iulius Cæsar lib. 6 de Bello Gallico cap. 29 descripsit, ad Neruios usque extentam, cuius istic partem alij scriptores siluam Carbonariam appellant. Hinc B. Pippinum, quem cum S. Arnulpho ad informandum regiis moribus DAGOBERTVM statuerat Chlotharius, occasione Pippini Herstalli nepotis tradunt Annales Metenses ad an. 687, *populum inter Carbonariam siluam & Mosam fluuium & usque ad Fresionum fines, vastis limitibus habitantem iustis legibus gubernasse*. Quâ in ditione tunc Germaniæ secundæ, cuius caput Colonia erat, portio censemebatur; atque vñā cum Germaniâ I & Belgicâ I, ac regionibus Transrhenanis in DAGOBERTI regno continebatur. Partem eam Belgicæ II, in quâ diœceses Remensis, Catauaunensis, Laudunensis & Cameracensis sitæ, sibi retinuerat parens Chlotharius. Ea quoque, vbi matrimonium iniit DAGOBERTVS reliquis Austrasiis addita. Quæ ita narrat Fredegarius cap. 53: *Anno XLII regni Chlotharij, Christi 10C-XXV, DAGOBERTVS cultu regio & iussu patris honestè cum Leudibus in Clippiaco, non procul Parissus venit, ibiq; germanam Sichildæ Reginæ, nomine Gomadrudem, in coniugium accepit. Transactis nuptiis die tertio inter Chlotharium & filium suum DAGOBERTVM grauis orta fuit intentio. Petebat enim DAGOBERTVS cuncta, quæ ad regnum Austrasiorum pertenebant, suæ ditioni velle recipere. Quod Chlotharius vehementer denegabat, eidem ex hoc nihil velle concedere. Electi sunt ab his duobus Regibus XII Franci, ut eorum disceptatione hæc finiretur intentio. Inter quos & Do-*

-15619

mnus

mnus Arnulfus Pontifex Metensis cum reliquis Episcopis elegitur, ut benignissime (sicut sua erat sanctitas) inter patrem & filium pro pacis loqueretur concordiam. Tandem a Pontificibus vel sapientissimis viris Proceribus pater pacificatur cum filio. Reddensque ei solidatum, quod aspiciebat ad regnum Austrasiorum, hoc tantum exinde, quod citra Ligerem vel Provinciae partes situm erat, suæ ditioni retinuit.

Hæc Fredegarius, qui apud Burgundiones, & eos præfertim qui Meridiem versus propinqua Rhodano tenent, egit ætatem. Ab his Aruerni, Albigenses, Gabali, Cadurci, viciniique populi, qui spectabant ad Austrasios, dicebantur *citra Ligerim fluvium* habitare. Suum Fredegarius affectum erga Reges Burgundionum vel maximè prodit, dum Chronicon & à laude ac virtutibus S. Gunthramni Regis auspicatur, & per annos illius, tum Childeberti, huiusque filij Theoderici, ut Regum Burgundiæ, deducit, omisso Theudeberto Rege Austrasiorum, licet natu senior foret, & neglecto Chlothario II Rege Neustriæ usque ad annum regni xxx, quando reliquis mortuis etiam in Burgundiâ & Austria regnum arripuit, ut tradit cap. 43. Cum Fredegario prædictos populos *citra Ligerim* constituunt non solum Aimoinus, qui in monasterio Floriacensi ad Ligerim degebatur, sed etiam monachus S. Dionysij in Gestis illius cap. 13. *Hoc tantum,* inquit, *exinde, quod citra Ligerim, vel Provinciae partibus situm erat, suæ ditioni retinuit.* Aimoinus cap. 12: *Hoc tantum exinde, quod citra Ligerim, vel in regione, quam Provinciam cognominant, situm est, suæ ditioni retinuit.* De regione Rhodanum inter & Alpes, Romanorum olim Provinciam, egimus i Februarij ad Vitam S. Sigeberti Regis Francorum Austrasiorum, diximusque Austrasiis subiectam fuisse provinciam Massiliensium, immo eam in plures subdivisiæ. Nam S. Bonitus,

nitus, posteà Episcopus Aruernorum, olim *s. Sigeberti Refrendarius*, sub huius successore Childerico factus est *Iudeo* in *Praefecturâ Massilia prima Prouincia*, vt dicitur in huius Vitâ *xv Ianuarij* num. 4. A Sigeberto i Rege Austrasiorum ad Cabellicensem Cathedram in Prouinciâ promotum esse *S. Veranum*, habent huius Acta *xii Nouemb.* vti diximus *viii Februarij* in Vitâ *S. Honorati Episcopi Mediolanensis* pag. *167 num. 25.*

V

Gesta DAGOBERTI post matrimonium initū apud Austrasios. VVormatiensi Ecclesia donata. Quid Argentoratensi & Spirensi ab eo præstatum.

ANNO post has DAGOBERTI nuptias, regni Chlotharij *XLIII*, ut scribit Fredegarius cap. 54, *VVarnacharius Maior-Domus* moritur. *Filius eius Godinus*, animum leuitate imbutus, nouercam suam Bertanem eo anno accepit uxorem. *Vnde Chlotharius Rex aduersus eum nimio furore permotus: iubet Arneberto Duci*, qui Godini germanam uxorem habebat, eum cum exercitu interficeret. *Godinus cernens vitâ sua periculum, terga vertens, cum uxore ad DAGOBERTVM Regem perrexit in Auster, & in ecclesiâ *S. Apri*, regio timore perterritus, fecit configium.* DAGOBERTVS per legatos pro eius vitâ sèpius Chlothario Regi deprecabatur. Tandem à Chlothario promittitur Godino vita concessa, tantum ut Bertanem, quam contra Canonum instituta uxorem acceperat, relinquere. *Qui cùm ipsam reliquisset, reuersus est in regnum Burgundia.* Hæc Fredegarius, neque aliud quidquam ab DAGOBERTO